

近代中國史料叢刊第五十一輯

沈雲龍 主編

雲南北界勘察記

尹明德編

文海出版社印行

中華民國五十九年六月初版

近代中國史料叢刊 第五十一輯

精裝：十二冊
定價：新台幣



版權所有

主編者：沈雲龍

發行人：李振華

臺北縣永和鎮中興街99巷8號

出版者：文海出版社

郵政劃撥戶第二七八四號
電話：九二—二六五九號

印刷者：美明美術印刷廠

臺北市康定路二〇二號

經銷者：全省各大書局

內政部登記證內版台業字第〇八〇〇號

雲南北界勘察記序

晚清之際、西歐諸國、挾其侵略政策、以臨遠東、於是越南吞於法、緬甸併於英、中英遂有滇緬界務之爭。當英之初踞緬甸、虜其王孟錫袍以去也、告我使臣曾紀澤曰、緬王無禮於英、故廢其王。又曰、滇緬邊界、見中國兵與中國旗幟所在、卽親爲中國地。然猶慮我索問大金沙江以西之猛拱玉石廠、及潞江以西之孟密寶石廠也、復許我以大金沙江共有、蠻暮歸中國設關立埠、潞江東面南掌、木邦、孟良、景線、諸擇人地屬我之說。遷延數年、我無定議。及其全緬底定、並略有我南北諸土司地、我始令薛福成與之商訂界務。交涉之時、彼明我暗、彼狡黠、我懦弱、彼措置已周、我進退失據、加以國力強弱異勢、薛使雖多方引證、力爭至再、終不能折其機牙、使其稍退。前許蠻暮設關及潞東地屬我、諸端既不可得、卽明巡撫陳用賓於我腹地所設八關、亦棄其二。滇越天馬虎臨比議定暫劃分至騰越尖高山、自是以北、留以有待、且伺機與英人中分野人山地、此薛使光緒二十年簽訂中緬界約之事實也。厥後英欲以潞江及恩梅開江中間之分水嶺高黎貢山爲界、遂於光緒

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



Wt 2002-11

二十六年進兵小江，我英竹土守備左孝臣并死我弁勇百餘人。我總理衙門與雲南督撫不查卷圖，不考史實，顛預應付，貿然以小江為滇緬分界，令英軍退出小江以外。至光緒三十一年，我應英人之請，派石鴻韶與英領事烈敦會同前往查勘。鴻韶老耄，未能持定我舊有屬土，與之力爭，竟聲明小江以外，久在化外，惟競競爭小江以南之區域。雖屬會勘，不能據為定憑。英以我不明史地，懦弱可欺，益進一步。遂於宣統二年進佔我茶山全地，直達片馬。英之野心，與所謂北段未定界者，始為國人所注目。民國十六七年，英人侵略我里麻長官司地，即所謂江心坡者。國人又復囂然呼號曰：此我土地，我人民，英人不應進犯。究其實，高黎貢山之西，茶山地也，江心坡也。種人如何，山川如何，產物如何，英人強佔後，治理將二十年之情形又如何，政府與國人無一能詳其底蘊。十八年多，中樞乃有以^明德前往勘察之命。^明德生長滇邊，義無諉卸，馳返故里，遴選測繪人員及熟悉邊情之士，先後組成六組，喬裝商販，分頭密往北段未定界之茶山、里麻、孟養。我舊土司地及麗維所屬之浪速、球夷等地，詳密探查。^明德亦變裝易名，另成一組，深入履勘。各組自出發後，以英人嚴密防範，野夷曠悍，並氣候寒熱毒厲之故，途次迭經險阻，有被英

人拘捕搜查者、有爲野夷阻留欲加戕害者、有嚴冬踰高黎貢雪山、行冰雪中幾葬身雪
害者、有盛暑冒雨奔馳窮山中、與瘴毒爲緣、幾病死者、幸仗國家威靈、咸得無事、完成任
務、各慶生還。經將調查所得、詳繪地圖、編纂報告、並所攝照片碑證、呈之政府、以爲交涉
之據。明錄與各組人員行踪所至、隨有記載、或爲英人經營情實、或爲旅程狀況、或爲夷
地風土、或爲歷史掌故、要皆與邊務有關、爰加整理、都爲八卷、名曰雲南北界勘察記。又
得黃誠沅夏瑚遺稿鈔本二種、與北界亦多關係、並附錄焉。非敢比於著書行世之列、聊
以存此行之辛勤、並冀國人知英人於我邊徼之侵略、實不容長此漠然而不問也。

中華民國二十二年二月騰衝尹明德序於騰衝濬甯居

雲南北界勘察記目錄

卷一

內政部
外交部

會派滇緬界務調查專員尹明德

自騰衝出發經南甸干崖蠻暮八莫格薩直耿蠻德勒又名
瓦城滅繆又名
緬弄孟養猛拱甘
板玉石廠密支那邁立開江沿岸野人山及夏鳩各地

卷二

內政部
外交部

會派滇緬界務調查專員尹明德

自密支那渡大金沙江經灣募即允
地方南允即大
地方恩梅開江沿岸石灰卡羅孔原名
牛房
溯之非河險高良工山張家坡經派賴拖角原名
他莫班瓦啞口及滇離明光各撫夷地

卷三

第一組調查員楊斌銓王繼先

自下關出發經大理鄧川劍川麗江維西險碧羅雪山渡潞江經莒蒲桶險高黎貢

山經隸夷地之隸江狄子江狄不勒江駝洛江狄滿江及坎底拱路恩梅開江拉打
閣岔角江上帕知子羅瀘水各地

卷四

第二組調查員張元欽王璽

自騰衝出發經滇灘明光派賴茨竹楚余河片馬魚洞古浪岡房大壩地河小江噠
戛官寨干坤拖角踰高黎貢山經片馬啞口瀘水各地

卷五

第三組調查員王璽

自騰衝出發經南甸干崖八莫格薩猛拱甘板玉石廠密支那木梳足德央足昔董
古永各地

卷六

第四組調查員梁正中

自騰衝出發經古永瓦崙山昔董壩澤勒苦賴吾山渡恩梅開江入里麻

即江心坡南部

無賽門掌樣杜包樣孫卡石且能龍拱恩多樣各地

卷七

第五組調查員張元欽

自騰衝出發經古永昔董渡大金沙江經密支那野人山孫布拉蚌渡邁立開江入里麻中上部騰南猛木紅夏康河騰龍藏樣夏木科俄犬夏木扁夏各地

卷八

第六組調查員狄壽榕

自騰衝出發經滇灘之非河險扒拉大山渡小江沿恩梅開江北上經浪速地蛇怪窩門臘埂河駝龍墨河恩空烏泥岔角江險高黎貢雪山渡潞江經知子羅瀘水各地

附北界地圖一幅

附錄

西界陳牘

怒球邊陲詳情

武緣黃誠沅輯

阿墩子彈壓委員夏瑚
兼辦怒江事宜

雲南北界勘察記

卷一

內政部
外交部 會派滇緬界務調查專員尹明德

自騰衝出發經南甸、干崖、蠻暮、八莫、格薩、直耿、蠻德勒、即瓦城、滅繆、又名緬子、孟養、猛拱、甘板、玉石廠、密支那、邁立開、江沿岸、野人山及戛鳩各地

中華民國十九年十二月十九日晴由騰衝縣城出發至蘭家寨。滇緬北段界務，英人屢促議勘，我國內多故，未遑及此。迨英人侵略我江心坡，即里麻長官司地，土民不服，遣派代表董卡諾、張早、扎密、至騰衝，訴於騰越道尹趙鍾奇。於是騰衝界務研究會，推派謝焜、劉紹和、周從康代表走南京請願，全國震動，政府頗重視，有及時與英交涉解決此懸案之意。惟以邊徼寫遠，英人情形，土民狀況，及山川形勢，中央地方，均未深悉。十八年夏，外交部遂有滇緬界務研究委員會之設立，明德以鄉人推薦，得參末議。當以歷次交涉劃界，彼明我暗，故已定之界，失地至多。今茶山里麻兩長官司地，英人進踞，多者十餘年，少亦數年，其間情形，我茫然不知，應先派員詳密勘察，然後交涉，乃有把握，否則任人指劃，失敗堪虞。與會諸公，深然其說，並謂舊五綫圖，除英人所指之紫色綫，我未承認外，其餘藍、黃、紅、綠、四綫，或為石鴻詔誤勘之線，或為我不明史實官員妄擬之線，里麻長官司地，已擴諸線外，今後交涉，應

取銷此案無根據未曾定案之舊擬綫，而另定適合之綫。研議經月，酌定兩綫，一由尖高山西向柘柘門嶺山頂而上，至印度阿薩密與西康交界處爲止。一由尖高山西向沿邊立開江而上，至其源頭與西康交界處，包有我舊屬茶山里麻律夷浪速各地。旋厘定調查方案，由中央派專員一人到邊地選派人員，分組出發探查，並議決俟北界調查完竣，即與南界同時一併提出與英交涉。外部將會中研議各端，呈奉行政院令開，即照所擬辦理。由內政外交兩部邊派專員前往調查，經費飭財部照撥。十月十二日，明華奉內政部趙部長載文外交部王部長正廷令，會派爲滇緬界務調查專員。即於十二月十七日由京首途，道經蘇州，特走謁內兄李印泉先生，請示一切，以先生於宣統二年，因片馬案，曾親歷小江，深悉當地情形也。到滇購辦器具，及圖籍應需物品，於十二月廿八日登輪南行，抵香港，適爲十九年元旦，復乘船至法屬越南海防，搭火車入雲南河口。由港動身，有新委雲南省黨務指導委員陳廷璧曾省三楊大鑄諸君同行，經過海防，頗受法海關人員之苛待，翻箱倒篋，細密搜查，用物之較新者，均留難上過境稅，旅客經此，靡不視爲畏途。一月九日，達雲南省會昆明，時龍主席雲率師西上，省務由周委員鍾嶽代理。明華遍訪各省委並滇中父老耆耄，詳述中央對滇緬界務關切，及今後辦法，均承多所指導。明華在昆明閱鈔有關案件及圖書，並遴選觀察人員，未幾，龍主席回省，晉謁詳陳，頗蒙指示，並允力助。乃於五月六日，率同觀察人員楊斌銓張元欽狄壽榕王璽四員離省西上。

時全省軍隊大部開赴廣西，省內空虛，綠豐至楚雄一帶盜賊出沒，村落商旅時被搶劫，明德等沿途由各縣派團警護送，於五月十八日平安抵鳳儀下關。竊以北界隸夷地，冬季爲雪所封，宜及時前去探查，乃派楊斌銓走麗江組第一組，經維西、踰碧羅雪山、渡潞江、達嘉蒲桶、踰高黎貢山西去，探查恩梅開江、邁立開江上游隸夷地、坎底、浪連一帶。明德仍與張狄王三員西上，六月五日到達騰衝。時屆夏季，應行調查區域，瘴毒殊盛，邊境嚮導及分組調查人員，無敢應者。小江流域地勢較高，山嵐瘴氣較少，即派張元欽、王璽等組第二組，於七月二日前往勸察我舊茶山長官司地。不意歷勸派賴、茨竹、片馬等處，行至拖角，原名他豆被英人發覺，拘禁十餘日，幸未傷害，旋以兵二十餘名監解出境回騰。復派王璽等組第三組，於十月廿七日經八莫、猛拱北上，探查野人山地。派梁正中等組第四組，於十月二十九日經古永、昔董、渡恩梅開江，探查里麻即江心坡南部。派張元欽等組第五組，於十一月八日經古永、昔董、密支那北上，渡邁立開江，探查里麻中上部。派狄壽榕等組第六組，於十一月十七日經滇灘、之非河、小江北上，探查恩梅開江沿岸及浪連地一帶。明德則於各組行後，率隨員蔣恩洲等出發。此明德自奉命由南京首途到騰衝至出發勸察前之大概情形也。明德所派各組人員，既已分頭出發，並聞已到達未定界區域，即於今日下午二時，率隨員蔣恩洲、緬語譯員李宗雲、野人語譯員蔣萬春，並隨從三人，由騰衝縣城出發，離城後向南行，經來鳳山、東南麓，軍營堆、土鍋鋪，約十六七里，至鎮彝

關是處居民約二十戶，清進士江仁齋先生鱸故里也。

江源出騰衝北線齊海、經城西向而行二里許曰墨水河

布、水由千尋斷崖上倒瀉而下、聲若雷吼、細雨紛飛、又名龍山飛簾、其景絕佳。

經石頭山、甘蔗寨、

由此分路右行、經雨傘荷花、油壩壩、至河西盤東街。

約七八里、抵蘭

家寨歇宿、計行程二十五里。蘭家寨多策馬者、非站口、平常來往客商不宿、明德等僱馬騎、依趕馬人

之便、故宿於此。石頭山石若蜂巢、中空空窠、其輕可浮水、火山遺蹟也。內兄印泉先生擬名曰烈遺

山。範圍甚廣、上起緬箐鶴籠、迤邐而下、至明朝曩煙、計長四五十里、廣二三十里。此外大西緬箐交界

之打騰山、又名騰山

及大西線之松山、亦與石頭山同為同樣之火山遺蹟、極目所至、皆屬焦石、而石頭

山石尤較輕鬆偉巨云。騰衝毗連緬甸、商緬騰人極多、冬季尤甚、此行任務、不僅騰人知之、即英人

亦有所聞、故於沿邊要隘及其所強佔區域、早已嚴加防範。明德行動若不十分嚴密、非惟不能到達

未定界彼所強佔之區域、即已出發各組、恐亦將受影響而被拘阻。故在騰衝密與第一殖邊督辦李

子暢先生曰、核言之、並託以萬一各組工作人員在中途發生故障時、請設法營救、且託後方一切事

務、承其慨允。明德出發後、化名張向仁、作商販裝束、同行者皆以張老販稱焉。

二十日晴由蘭家寨至九保街。晨五時半出發、經半個山、行十里、抵小河底早餐。是地位於綺羅河

經左所營、塔心街、碗壩塘而出。

與大盈江交會處、住民十餘戶、為騰衝至九保尖站、售午膳、有白魚小花魚二種、味最

美。小河底渡大盈江而西、有界平壩派曩煙三寨、皆夷夷、名曰三彝莊。民國後、改隸明朝練。早餐後、沿

大盈江東岸行，二里許，經巖煙瀑布，景亦佳，較疊水河瀑布則少遜。復行十餘里，經沙坡，至熱水塘。由

備南行、另一道走給糧、諸心街、期滿寒、於此交會。馬帮在此開午梢。趕馬八尖站休息、名曰開午梢。明德等亦在此休息。熱水塘居民十餘

戶，有溫泉極佳，可資沐浴，故名。騰衝境內溫泉最多，如北練之馬蟻窩，大西之阿幸，大董之黃坡，細箐

之熱水塘，下村，清水之硫磺塘，黃瓜箐，河西之炳賽，蠻竜，各地均有。多係硫磺泉，能除筋骨疼痛，風癱半

身不遂等症。其中療病以黃瓜箐、硫磺塘、炳賽三泉為最著。溫度則以硫磺塘、炳賽二泉為最高，滾水

翻波，蒸氣上騰，熱若探湯。沐浴者，多攜食物，就泉水煮之，頃刻爛熟矣。炳賽溫泉、距明德村居孟連三里許。下午二時

復行，一里許，經老壩河，河冬春水極小，夏季暴雨水大而流急，泥石俱下，往往覆沒人畜。又十餘里，經

曩宋關。曩宋甲其五寨、外尚有馬孟、尖坡、新寨、及老官城四寨。居民百餘戶。出曩宋關。曩宋關西隔大盈江、為河西練蠻東、大地、有餘村、東碑、蠻林、各村。渡曩宋

河，清水練與南甸司分界處也。河寬百數丈，春冬可徒涉，夏季水極大，光緒間修石橋，已圯，商旅苦之。

又行三十里，經平山，老沙壩，新沙壩，管家寨，三家寨，至九保宿，計行程七十里。九保屬騰衝第一區，

舊名南甸營，昔設經歷一員，並左營都司守備千把總等駐此。今住民三百餘戶，以釀酒造醬油種菜

蔬著稱。日中，河中西。大盈江東岸曰河東、西岸曰河西、即河西練也。附近各村寨居民，均來市易家居，日用什物，或賣柴賣

米，名曰趕街子。漢各鄉鎮街期，多五日一街、九日則日日街也。肆中衣食日用所需均備，尚熱鬧。有郵局、稅局、緝私營、緝捕私運海鹽

並男女小學校二所。前農商總長兼國務總理李印泉先生根源故里也。名勝有太平寺、觀音寺、古蹟

有振鷺亭，為永曆帝駐蹕處，但亭已無存，僅留空名。有榕樹又名黃果樹一株，拔地參天，蔭被甚廣。維西協

副將騰衝李希白學詩有詠振鷺亭詩云：鳴鳴鼓角鳴邊風，投荒天子悲途窮。晉王計敗磨盤石，延陵

將軍第一功。倉皇走入夔夷道，瘴雨未晴蠻烟裏。君臣競歌行路難，路旁香斷鷓鴣鳥。南甸城東草叢

叢，蠻花開後吃鳥啼。振鷺亭上鷺絲宿，白鷺巢榕樹上一朝忽見鳳凰棲。邊城何處覓黃帷，野老殷勤進豆粥。

六宮舉箸卜咽難，欲食不食相向哭。邊月三更寂無譁，邊風四野吹悲笳。可憐窮荒竄天子，此後莫生

帝王家。夜雨淋鈴空階滴，父老至今猶歎息。亭下既經潛龍眠，蛙黽無聲蚊絕跡。騰衝境內河流較

大者有三，曰龍川，曰大盈，曰檳榔。龍川江又名龍江，最長，源出大塘明光演灘，經曲石、龍江、蒲窩、小隴

川、猛卯，原有行政委員，二十一年改設治局、名曰瑞麗。入緬甸而匯於大金沙江。下流又名瑞麗江。大盈江源出龍崆山旁青

海，經北練、小西、騰衝城、和順、明朗、清水、河西、各練，至九保、南甸、干崖、蓋達、諸土司地，出蠻暮新店，亦匯

於大金沙江。檳榔江又名蓋西江，源出瑯琊山東南，在古永稱古永河，經蓋西練於干崖新城與大盈

江交會。山則由高黎貢山分支，經騰衝西北茨竹啞口、大啞口、姊妹山、班瓦啞口，而至瑯琊山。然後由

瑯琊山分支，一支向西南行，經尖高山、瓦崙山，而至南牙山，蜿蜒於檳榔江、大盈江與大金沙江之間，

直至蠻暮新店而止。此支可稱之為瓦崙山脈，或南牙山脈。南牙山、又名火饑山。一支向南行，經大西河，又名岡東河

與古永河之間，起雲峯山、打鷹山諸峯。由打鷹又分支，一南走經緬箐、猛蚌、河西，迤邐於大盈檳榔兩

葫蘆口各石十個一座、油竹壩、彈鼓山、邦行山、撒馬壩
四處、無從建設碼頭、則設辦卡、哨樓破舊村木棚一座。道光七年、署騰越廳廣裕、詳請設立河西外圍香柏
嶺十五卡、招募探探三百七十戶分駐。明德按守卡練丁、野人探探
漢人均有、今以漢人為多。於鹽課溢餘留半銀支給口糧鹽菜、

限滿聽其種地守卡。嗣因山地確、不敷口糧、永昌府胡啓榮、騰越廳周澍、詳請奏明借藩庫銀二萬
兩、置買練田、分給各探探口糧、府廳各捐銀一萬兩、三年歸款。計香柏嶺二卡、三級管一卡、瓜瓜林二卡、
平野山一卡、三股壩一卡、三台山一
卡、喂羊路二卡、春花地大草坡兩處分款三卡、壽竹
卡、總計十五卡。又馬鞍山一卡、象腦山一卡。咸豐十一年後、兵事蔓延、碉堡傾圮殆盡。光緒五年、同

知陳宗海稟請邊防委員郝映奎修復練卡七十八處、增建二卡、添設練丁二十名、共成卡地八十卡。
即茂福大路十卡、共練丁一百五十五名。橋頭卡十五名、紅丫口卡十五名、辛家田卡十名、紅泥洞卡十名、
一碗水卡十五名、初安卡十名、香樟棚卡三十名、馬鞍山卡二十五名、
星布卡十五名。幫中十七卡、共練丁二百一十一名。香柏嶺卡十四名、濱水溝卡十四名、得勝卡十六名、大蛇壩
卡十三名、文昌卡十三名、老那中卡十二名、小換母卡十四
名、花家卡十四名、觀葉壩卡十四名、三級管卡十二名、下那山卡十名、上那回卡十名、
在傍渡卡十名、小魯仰卡十二名、較地包卡十三名、龍江渡卡十名、十花水卡十名。蓋西山十六卡、共練丁

二百八十名。麥瓜林卡二十四名、麥瓜林小卡二十名、喂羊園卡十五名、春花地卡十六名、高禾木卡十五名、觀音
卡十九名、元靈壩上下兩卡三十名、彝外渡卡十五名、楊家山卡二十五名、自耕自食、懶堆窠卡十
名、打板箐卡十九名、滾腦卡十二名、魚刀卡十五名。芭蕉林下十卡、共練丁百六十五名。猛乃卡三十名、自
大黑腦卡二十名、大龍塘卡二十五名、自耕自食。止那隘二卡、共練丁五十五名。耕自食、哈三卡十
五名、花家卡十五名、喇嘛河卡十一名、自耕自食、禾木樹卡十三名、新塘卡十
名、芭蕉林卡二十四名、關河卡十四名、黃石板卡十六名、小江卡十六名。

撫夷兼管之古永中八卡、共練丁一百名。蕩子壩卡十六名、熊脚卡十名、花水卡十二名、虎
忱卡二十五名。古永上七卡、共練丁九十名。猴橋壩卡十八名、屈家壩卡十名、三岔河卡十二名、沈家河卡
名、葫蘆口卡六名、
十一名、木亞口卡一名、羊場河卡十一名、美古河卡十八名。

古永上七卡、共練丁九十名。猴橋壩卡十八名、屈家壩卡十名、三岔河卡十二名、沈家河卡
十一名、木亞口卡一名、羊場河卡十一名、美古河卡十八名。

蓋西新歧保路五卡，共練丁五十八名。小地方卡十名、三家村卡十二名、鴨豬坡卡十四名、威鎮坡卡十名、三岔口卡十二名。古永進城保路四卡，共

練丁六十七名。板橋卡十四名、自耕自食、歐喜坡卡十八名、蓋蘇橋卡二十名、椰子林卡十五名。潞江過龍江保路一卡，竹色橋卡練丁十名。統計八

十卡，共練丁一千一百九十一名。事詳載續雲南通志武備志及騰越廳志邊防卡練中，以其有關邊

務，用錄於此。光緒庚子歲首，蓋西野夷黑山山匪亂，出文筆、燒掠河西城三鎮於茲來諸村寨、勢猖甚、先君子苑林公諱占甲、統團練數百、隨總兵張松林討平之。

二十一日晴由九保至舊城。晨六時出發，經巽拱河，又名小梁江，源出河東大廠，河身寬里許，春冬可

徒涉，夏季水甚大，往往覆沒人畜。行六里，經遮島，南甸宣撫司署在焉。有市場，人口約四百餘戶，漢夷

雜處。土司襲綬，本漢族，江南上元人。其轄境甚廣，在昔西北與茶山長官司接壤，西南至大金沙江與

孟養宣慰司毗連，英併緬後，失去者不少。由遮島東去三十里，為八撮，設有縣佐一缺，治理南甸司地，

民國二十一年改設仍隸屬騰衝，再去通渭窩龍陵，離遮島南行五里，有分路向東南去，通羅卜絲莊隴

川猛卯南坎各地。又行數里，經橋頭新寨，居民十餘戶，焚夷也。由此向西渡大盈江，有鐵索橋，名曰轟轉橋，又名花橋。

沿江西岸經猛宋、茂福、黃陵岡，而至干崖土司新城，再渡檳榔江，經太平街、蠻允、雪烈、石梯，而至蠻暮

新店，以達新街，此三十餘年前通緬大道也。後改由東岸行，今多荒廢。明等沿東岸行，十餘里，抵葫

蘆口，開午稍休息。葫蘆口無居民，地頗險要，南甸干岸兩司咽喉也。由此以下，經渾水溝，至干岸曩

碗，路頗荒僻，時有野人出入，掠劫商旅，兩司沿途派土兵梭巡，以資保護。南甸司於此設保路收岡處，

向旅客收護路費、乘馬者每人洋二角、乘輿轎者洋一元。此種保路費、亦邊地特有之現象也。慶街海關捐三成、年約收現洋二三萬元、以一部分為警費及駐紮保商隊糧餉并修路之用、多收附加以一部分為南甸干崖兩司保路費、公家既有保路費、兩司復設保路費、何也。午飯後、行十里、路頗崎嶇、

經渾水溝、南甸干崖兩司交界處也。渾水溝春冬水小如溝、每至夏季、水夾沙泥而下、時有淹没人畜之患。干崖田土、多被猛水冲壞、尤受其害。又五里、經蠻撤、又名三夷夷數戶居此、有售茶者。又數里、經

碗、又名干崖司保路收岡處設此。復行二十里、經蠻干蠻克等夷寨而至舊城宿、計行程七十里。舊城為干崖行政委員所在地、民國二十一年改設治局、名曰晉江。市場也。兩旁市基甚長、在昔頗形熱鬧、居民約四百戶、

自民國十三年干崖變亂燒燬後、干崖變亂、起因甚微、緣土司之弟刀保固、向人民銀某等借貸不遂、暗嗾野人、蓋南司漢人村落、燒燬殆盡、死者無數、尤覺慘然。破殆盡、刻尚未復舊觀。現有居民二百戶、漢夷雜處、有公安局並小學校。

過大盈江西、江廣四十丈、水流緩、以竹筏過渡。名新城、干崖官撫司署設於此、居民二百戶、蠻夷雜處。土司鄉姓亦漢族、江南應天籍。檳榔江自西北來、與大盈江於新城交會後、稱曰海壩江、又名太平江。自此以下、江愈

寬而流愈緩、可渡舟楫。兩岸田土沃衍、稻米出產最富。惟氣候酷暑、氣候自離慶城三十五里之小河底起、即漸炎熱、干崖舊城以下尤熱。漢人夏季蒞此、多染瘴病。

二十二日晴由舊城至小新街。晨七時、地震有聲、勢從西北來、震源在片馬拖角小江一帶也。七時許出發、循大盈江東岸行、路甚平坦、經蠻耗蠻林等夷寨、三十里、抵蠻璋街、午飯。是地有市場、昔頗熱鬧、

居民百餘戶，今僅三十餘戶。十三年于崖變亂被焚，現尙未復原狀。午飯後，行二十里，抵小新街宿，計行程五十里。小新街亦市場，屬于崖土司管，居民百餘戶，漢夷雜處，有電報分局，各司地電報均由此收發。距小新街西隔大盈江約六里之遙，爲蓋達屬之太平街，居民五六百戶，十之八九皆漢人，夷地漢人集落之最大者。民國十三年于崖變亂，自寧城以下，漢人村市，均被夷人焚燬，獨太平街被圍不下，後得大隊長嚴爾文由九保率兵繞道而下，經杉木欄戶撤西面而下，裏外夾擊，夷人始惶恐解圍逃，夷地漢人，僅此與豐尤得不殘破，亦云幸矣。太平街西北去三十里爲蓋達，設有行政委員，二十一年改設治局，名曰連山。土司思姓，光緒間爲亂，已撤廢設治。由蓋達南行百二十里，至銅壁關，西去八十里至巨石關，再三十里至昔馬，過中英界樁十一號十二號，至英屬緬甸拿坡。有英兵營常駐由蓋達西北行七十里至萬仞關，再西去抵猛典，過二十四號界樁，經緬之昔馬拱。亦有英兵營而達曼鳩允帽，約二百六十里，清乾隆時，大學士傅恆征緬孔道也。

二十三日晴，由小新街至蠻綫。晨七時出發，八里，經弄璋街、茶憩。是地適逢街期，頗熱鬧，居民二三百戶，漢多夷少，屬于崖土司管。又行十二里，經且帽，復行三十里，抵蠻綫宿，爲時始下午二時，計行程五十里。蠻綫爲于崖壩尾，居民五六十戶，漢夷雜處，爲由緬甸入騰衝第一要口，設有保商隊海關分卡及消費稅查驗分所。距蠻綫隔江十里之遙，爲蠻允，屬南甸土司管，居民三四百戶，皆漢人，有男女學校，民氣強，文風盛，曾赴省及到日本留學者多人。昔江之西道通行時，蠻允適當其衝，商務繁盛，日

蠻綫道及古永猴橋道通行後，已漸趨冷落矣。蠻允西南行山中爲雪烈野夷村落也。光緒元年，瑪嘉理案即發生於此地。內兄印泉先生有紀瑪嘉理案文一首，錄如次。咸同之際，杜文秀亂滇，垂十八載。及其救平也，印度總督檄副將伯郎，勝人稱曰布羅來覘我軍實。英使館亦檄其一等書記官瑪嘉理，齎我總理衙門通行護照赴緬甸送之。因陰圖川滇山川，在道頗不循軌度。抵滇垣，謁總督岑毓英，欲用敵體禮。毓英不許，持之堅許之。語驕蹇不遜讓，毓英怒，然念中英邦交，乃隱忍以卒，衛送出迤西。瑪在道益倨侮人民。至騰越，謁總兵蔣宗漢，宗漢令其自旁門入見。瑪大詬，出游疊水河，圖形勢，騰人噪而逐之。宗漢亦以卒送之出緬甸。適副將李珍國返自緬甸，備言英兵據漾貢，通航新街，謀緬急。瑪嘉理即銜其使臣命，更爲由緬入滇計。於是受騰越紳民周延醇、李懷玉、楊懷瓊、魯恆泰請，珍國專弁報毓英，請殺瑪嘉理及伯郎。毓英密札如議。珍國乃令其部將蘭小洪、楊大武謀於野人，伺瑪嘉理等返至火焰山紅蚌河外蠻墓地，即要而殲之。既行，乃值瑪嘉理於蠻允之雪烈，盡殺之。伯郎以其徒殿，故未及於難。時則光緒元年己亥正月十七日也。伯郎在石梯間之，遁歸八募。事聞，朝野大震。英使威妥瑪以爲毓英實使之，朝旨議毓英罪，褫宗漢、珍國勝、亦連振華。逮珍國下按察使獄，並捕邊外野夷若干人候訊。五月，詔湖廣總督李瀚章刑部侍郎薛煥來滇審問。英參贊格維納隨節來觀審。珍國既被檻車徵，騰紳劉照青、楊冠玖與偕來，納稟贖。既至，毓英微服慰珍國於獄，越數日，命按察使崑崙江以

厚酬勳

拔劍歆

煥至、鏡

面黝黑

秀林等

瀚章曰、

作何狀

殺瑪嘉

維納曰、

且流聞

調戰艦

判權、英

八年壬

年乙酉、

臣等此

窮理亦急進之一。自古蓋臣謀國，必先充實其國防，內有藜藿不采之威，斯外有殺敵致果之效。若徒
 逞一時氣矜之降，未有不貽國家以重賊者。是故岑李之輕舉，與夫鴻章之媚外，皆皆失也。謀國者
 於此可以鑒矣。是皆聞之先君子，為騰越一大事，謹紀其略如此。南甸、干崖、蓋達各土司地，田土肥
 饒，人民富庶，稻米出產尤多，價廉而美。有名軟米者，粒長而白如鼠牙，故又名曰老鼠牙，味尤甘美，內
 地所無。居民有漢人、傣夷、漢人平原稱孺子野人、獐獠、崩竜、阿昌等類。南甸、司漢多於夷，干崖蓋達兩司，則夷多於
 漢。大抵孺子漢人平原稱孺子中有市場及半山間，多住漢人，炎熱近水邊之地，多雙夷所居，深山老林中，多野
 人。獐獠所住，崩竜阿昌則較少。漢人大都為明洪武以後，由江南豫魯贛鄂湘川遷來，先居內地，漸徙
 邊徼者，一切裝束與內地同。雙夷有大雙夷即官種、小雙夷即民種之稱，實則語言習俗均同，無顯著之區
 別也。性慈善，膽小，信佛，好潔，聰明，多讀漢書，貢成均入庠，並留學省內外者。沿邊土司、對人民向取嚴
 刑、起而反對其苛派壓迫、致其世承漢土司之
 位號、故現今各司雖有小學校、頗多其名而已。有雙夷文，自左而右，橫行，但不普及。裝束，男子着衣穿褲，
 足着草履或鞋，頭多以黑布巾束之。婦女上身御窄袖短衣，下繫黑布裙，頭纏極長之黑布高包巾，婚
 喪慶弔，足並裹美麗花紋線布。男女均喜嚼生草烟，和以石灰撒餅蘆子，年輕婦女，多喜漆齒使黑，以
 為美觀。婚姻自由，男女同意後，父兄託媒人禮聘。野人在大盈江兩岸羣山中與滇緬交界者，多為小
 山種人，性懶惰，兇悍嗜殺，信鬼，出入槍刀不離身，在我界者，恆以劫掠為生。昔南干蓋各司漢人雙夷，

頗受其害。通緝之道，自蠻允以下，非有保商兵不能行走。今雖稍安分，而槍劫之舉，亦時有所聞。好酒，每逢街期，青山貨到市場出售，必買酒痛飲，醉則隨地倒臥，醒復行，或即乘空劫掠。男女亦喜嚼烟草，使唇皮常紅，史書所稱赤口漢，殆即此類歟。裝束，男子上身着衣，下身着褲，亦間有繫裙者，頭束包巾。婦女上着衣，下圍裙，女子頭未出嫁時，不留長髮，前齊額，後披及耳，長則剪去，與今之開通婦女剪髮者同。項頸及胸，喜以銀泡車渠料珠穿掛爲飾，腰及膝灣，並束細黑漆藤籬一束，愈多愈佳，以爲美觀。騰衝龍陵沿邊，共計十土司，曰南甸宣撫司，居騰衝之南。曰干崖宣撫司，位南甸西南。大盈江橫榔江流域，曰隴川宣撫司，居南甸之南。龍川江西北，南碗河流域，所謂三宣也。曰蓋達副宣撫司，居檳榔江西。大盈江北，已撤廢，不得承襲。曰戶撒長官司，曰臘撒長官司，居于崖西南。隴川西北，曰猛卯安撫司，居隴川之南。龍川江下游，曰遮放副宣撫司，居隴川之東。龍川江南岸，曰芒市安撫司，居龍陵西南。曰潞江安撫司，居龍陵之北。騰衝之東，各司互爲姻婭，其中以南甸干崖兩司區域爲最大。

二十四日晴，由蠻繞至芭蕉寨，由蠻繞至古里卡。又稱卡皆山路崎嶇，時有野夷劫搶，明導向保商隊。保商隊在會兵額二百五十名，現縮減爲六十名，月餉每名八元，每月需薪餉五百餘元，由海關附加捐項下支撥。要兵數名護送，晨七時出發，行八里，經南猛，有野人五戶，野人婦正在舂米。野人米隨食隨舂，無隔宿糧者，故香可口。有一男子着保除服裝，任保商之責，曉漢語。後沿山路行，頗僻靜，繼下陡坡，行三十餘里，抵古里卡，有野人四戶，古里卡河自東南向西北流入大盈江。

河水不大，英人造鐵橋以通往來。河東北爲華界，河西南爲英屬。由大盈江起，向東南爲已定乙段界，向北爲已定甲段界。乙段第一號界樁，建於古里卡河西南山巔，迤邐至鎮康縣屬南定河與南帕河交會處爲第九十七號界樁。光緒二十四五年間，西寧鎮劉萬勝與英員司格德會同劃定，將我舊有土司地劃去不少。明萬歷二十一年，巡撫陳用賓於沿邊設八關，曰銅壁關，設於布嶺蠻哈山內南甸司地，控制蠻哈、海黑、蠻基諸要地。曰巨石關，設於戶岡昔馬山，控制戶岡、迤西即孟養宜要路。曰萬仞關，設於蓋達後猛弄山頂，控制港得、港勒、迤西等要路。曰神護關，設於蓋西猛臺山，控制茶山、古永、威緬、迤西等路。此四關在大盈江北，設蠻哈守備鎮轄之。曰鐵壁關，設於等練山，控制蠻基水路。曰虎踞關，設於邦杭山，控制蠻棍、遮熬、先腦、猛密要路。曰天馬關，設於邦欠山，控制猛廣、猛密、猛曲等處要路。曰漢龍關，設於工回。此四關在大盈江南，設隴把守備以鎮轄之。今八關僅存其五，而虎踞、天馬、漢龍三關故址，已淪入緬屬矣。先伯岳蔚然公諱大茂，曾於光緒十六年，率王德督文紹命、察獲三關故址，云虎踞漢龍猶存碑刻。過古里卡橋，即英屬路較寬闊平坦，路旁電線桿爲金屬製，比之我國，小事落後，殊可恥也。行十五里，抵芭蕉寨宿，計行程六十里。該處住民十戶，漢人野夷參半。漢人業旅店而兼營小商業。有英國官站即驛站，在緬邊地，每十英里建一所以備公務人員來往住宿、餐室、臥房、廚房、浴室、兵房、馬房、側房俱備。一所，營房一座，常駐戈爾卡兵二十名，以資防邊。營房上覆洋鐵片，四周圍以竹片，官站四周，以土敏土及石築砌，頂覆洋瓦，民房則圍以竹籬，頂覆茅草。

二十五日晴由芭蕉寨至茅草地 晨六時半出發行二十餘里經崩別有野人二戶英人官站一所並有戶撒漢人尹姓一戶在此售賣茶點又行三十餘里抵茅草地宿計行程六十里由蠻綫至茅草地兩站皆行叢山中大盈江繞西北山谷行至茅草地始再見茅草地居山麓濱大盈江邊江水急湍聲浪甚勇夜間水聲徹夜入耳不絕居民有漢人焚夷野人三種共十餘戶 將至茅草地約三里東南有分路往英人董洪 (Tonhong) 營盤常駐兵五六十名又沿大路西南行約一里有分路向西北渡大盈江通愛路坪 (Alawpurn) 亦英人營盤也。由愛路坪北去與滇隣邊之邦拉、拿坡、昔馬拱、昔備、渡大盈江東北即滇緬分界處之紅蚌河又名南奔江再向東北去達石梯甚險雪烈爲往昔蠻允舊道由大盈江起溯紅蚌河而北爲滇緬已定甲段界第一號界樁立於紅蚌河與大盈江交會處至古永尖高山共立界樁三十九號光緒二十三年至二十四年間派知縣陳立達游擊楊發榮與英員劃定由尖高山向西北則爲北段未定界 光緒十一年乙酉十月初三日英人佔據緬甸我使臣曾紀澤向英政府抗言曰英人佔緬甸則我不能侵及中國尺寸土地英政府詢以中國與緬甸界綫所在曾使倉卒間亦不明我界址究至何處乃曰我界有中國兵及中國旗幟英政府甚重視此語即電告在緬官員云見中國兵及中國旗幟所在則止不能擅進曾使亦電總理衙門轉咨滇督速派兵防邊預占先着滇督岑毓英密命袁善取緬善至騰爲總兵朱洪章擅殺。內兄印泉先生記其事云岑公自安南撤師抵開化以槍五千支餉

十五萬兩界書、命帶取補旬、善至屬函、本計日以善已入編、明合朱俱章阻其行、不聽則收其械、散其衆、蓋欲脫謝責任、以開邊釁之罪歸善。不意善到屬、因其妻將臨產、逗留月餘未行、洪章得奉命、設筵進善、命織械、善謂奉有官保令、洪章亦謂奉有官保令、善終沈延、洪章曰、爾果欲反耶、交同席進宗海管理、宗海不敢承、洪章竟於席間殺善、并傾賊差弁朱小七二人、陳屍經署轅門、游羅孩提、觀之下涕。後丁槐張松

林先後任騰越鎮、日以演戲酬酢爲事、丁且釀成蓋達蓋西之亂、並未派兵遠出駐防。英人統兵自阿

瓦探入莫、又名新街無中國兵、由八莫向東再進、亦無中國兵、至紅蚌河、有馬武相部下保商營四五十人

駐紮、英兵乃曰、此中國界也、始停止前進。使當日無馬武相保商兵駐此、英兵將長驅入雪烈蠻允矣。

英人又統兵由格薩北向、竟長驅而至密支那。昔名三鴉拱內兄希白有詠紅蚌河詩云、紅蚌河在萬山腹、

一水茫茫流深谷、千崖萬壑遮不住、白龍放走蒼海曲、修蛇短狐巢其中、猛獸磨牙雙眼綠、蒼猿掛樹

飲清泉、山巖旋風折大木、徧地深深虎爪痕、幾間小小豬嘴屋、野人所居之屋門、皆於屋脊間、形同豬嘴、故滇人名之曰豬嘴房。野人性

野無約束、桑弩獵獸火種穀、又慣劫擄以爲生、騰人聞之相裹足、騰人愛向驟樂游、夷山一阻生機蹙。

商量泣請官府憐、鎮軍搖頭丞睦目、商人自願供軍資、天明楚維人馬龍江人奮袂率兵卒、紅蚌河邊作

戰場、石梯頂上飛石鏃、野人屢戰苦不支、野婦日抱野兒哭、從此革心不敢反、康莊不復憂蠻觸、張馬

吳紅蚌河石梯等處、與野人大小數十戰、野人不支、實牛酒投降、野人山自此通行無阻。夷性難馴如犬羊、將軍泣向河邊宿、野人山平、張松林故沒其功、下天明於家、高民泣

辭、乃釋、又恐野人反、復請馬武相駐兵紅蚌河、石梯等、軍餉由商貨抽收供給、謂之保商營。自從緬甸淪於英、英人略地窮荒服、望見營頭旗影搖、乃舍

其鹿不復逐。英人取種以後、此地入野人山、至紅蚌河、見有漢兵旗幟、始停止前進。河畔儻教無戍兵、界線當劃雪烈麓、君不見孟密蠻基

我邊陲。予取予攜誰彼毒。又不見憂鳩江邊皇皇碑。不問主人取而扑。不然區區衣帶水。大好山河空相告。讀此詩。清末騰邊野人山之情形。歷歷如繪矣。吳江金松岑先生天羽本署人田秋撰有馬武相傳。併錄之。其文云。馬武相。一名金城。騰衝龍江練人也。世奉回教。爲農民。少時未嘗讀書。年二十餘。隨朗蒲寨人段德有牧養驛馬。爲騰商運貨出入滇緬邊界。以是得諳夷情。時夷山野人恆呼嘯劫行旅。騰商苦之。德有以武相慙勇有膽略。薦之。乃畀以七八壯士。使管帶駐蠻弄寨。蠻弄固騰越轄境。廳委於此。抽保路費。武相既任保路。盜劫稀。商道日暢。總兵丁槐傳武相入見。擢千總。因設保商營。充管帶。於是石梯有匪首曰臘鳩金四者。野夷也。獨暴強。時劫殺行旅。光緒十七年三月。武相自新店護送貨獸二千餘赴蠻允。夜宿紅蚌河。匪以數百圍之。匪首潛入逆旅刺武相。誤殺逆旅主於床。武相知匪之好襲殺也。則夜不寐。而踰屋角偵之。匪既入殺逆旅主。將出召其徒入。武相以刃背擊匪刀。刀墜。遂與閭中相搏鬥。武相之弟金堂。急以叉叉匪。匪死。槍洞其膊。武相梟其顛。號於衆。衆知其魁之已斃也。乃退。明日次大谷。匪大集。衆二千。圍商幫凡十八日。糧絕。後營管帶張天明。督兵往援。亦被圍。乃共殺駝馬而食之。武相乃約束士卒馬戶而詔曰。我輩處死地。非與此貉爲殊死喋血戰。不足以潰圍。於是士皆一當百。四向殺敵。賊卒不支而退。武相以功擢升守備。匪益勦定。後戶撒門驟臘之亂。蓋西木瓜塘黑山少爺之亂。明德按黑山少爺名黑山四。蓋西野夷。歸南甸司轄。木瓜塘係卡地。屬河西管。蓋達土司上下衙爭襲之亂。猛卯土司叔姪爭

職之亂，晉都司職，設綏邊營，令兼帶之。自是商道平靜，邊圉寧謐者垂十餘年。武相卒於光緒二十四年，年五十餘。武相面黑而無鬚，左頰有一大黑痣，目灼灼有棱，爲人誠樸寡言笑，芒鞋短服，隨處蹲而不坐，與野人相類。方其見丁鎮時，拜謁如儀，命之坐，所坐爲金漆椅，上覆繡墊，武相蹲踞於其上，左右皆匿笑，丁獨賞愛之，立擢千總。武相善御衆，亦有恩，擇野夷之可信任者，收爲義子，故往往能得其死力。有子二，曰自忠、自良。

二十六日晴，由茅草地至八莫。晨六時半出發，行二十里，有英人官站一所。又行二十里，至洗帕河，一名南太白江，源出虎踞關北，匯入大盈江，春冬可徒涉，建鐵索橋，甚堅固，戶臘撒二司來路交會於此。渡洗帕河行未幾，改乘汽車赴八莫。由茅草地來，路甚平坦，汽車可通行，但汽車僅由八莫開至洗帕河。由洗帕河登車後，行數分鐘，經小出壩，往來騰衝八莫馬幫集中地也。由此至八莫，來往貨馱，均改由汽車運輸，故馬幫到此爲止。又行三十分鐘，經猛冒，市集繁盛，有咖啡店數家，隴川猛卯二司來路交會於此，居民緬人夔夷均有。又行半小時，抵八莫，宿中國街懷安棧。計由洗帕河乘汽車來，費時一時餘，行路六十里，本日計里程一百里。由古里卡過界後，無論馬行道、汽車道，均修築寬闊，平坦易行。每屆秋末冬初，道旁兩邊丈許，茅草荆棘，均刈除盡淨，愈覺道路寬敞，冬季並大修築一次，不似我界之野草過膝，崎嶇難行。計由騰衝至八莫七程，共里途五百餘里。由騰衝至古里卡河、約三百二十里、歸燕屏先生範漢繁載由騰衝至各十河里程

云、由騰越州城南六十里爲靈宋、又三十里爲南甸土司、故爲府。由南甸左行爲龍抱樹、又五十里爲杉木龜山、山之險者也。又三十里爲靈關、又六十里爲龍川土司、又四十里爲邦中山、又一百里爲猛卯土司、凡四百五十里。自南甸右行二十里至沙冲、二十里至猛宋、五十里至黃陵崗、五十里至于盧七河、八十里至靈德七河、三十里至太平街、又自靈輪三十里至銅壁關、凡三百五十里。此自騰越州南分左右之里數也。自龍川八十里至騰撤土司、戶撒土司在其北三十里。自騰撤至靈壁關、八十里。由靈壁關而左、二十里至靈等、七十里至虎臨關、又五十里至南寧、三十里至等拐、又十里至天馬關、此境內南行之里數也。

在騰時、聞蠻墓新店挖獲

劉挺威遠營舊衆碑、已移入莫關廟保存、到旅棧稍息後、即赴關廟察詢碑之所在。廟內設華僑小學校、男女生徒共五六十人、遇教員騰人張德斌、詢以威遠營碑存何處。張云、因新店僧人不准遷移、尙在原地。明傳告以仍須設法移來、或拾運回騰、始保無虞。關廟屋共四進、樓臺廊閣、壯麗如中國制、塑佛像甚多、頗清靜、香火亦旺。威遠營碑既仍在新店、乃決計明日赴新店、就便探查蠻墓形勝。晚飯後、出游街市、並令隨人購紙墨、以備攜往新店揚碑。由騰衝來、氣溫逐漸增高、所著衣服則漸減、入莫日間僅能穿單衣、早晚則著夾衣、較騰衝溫度約高十度也。

二十七日晴由八莫赴蠻墓新店。晨七時半、僱汽車一輛、率隨員蔣恩洲及舌人李宗雲赴新店。由八莫赴新店道有二、一溯大盈江去十八英里、路較難行、一經猛冒小田壩沿洗帕河去二十四英里、路平坦易行。明傳等由洗帕河路去、上午十時、渡大盈江北抵新店。是處有騰衝大西練人李發昌在此經商、垂二十年、威遠營碑發現、彼頗有力、即先訪之、請其導往。晤李後、接談極親洽、隨赴咖啡店午餐而行。碑在新店大盈江東岸瑞亨山、山不高、渡江步行未幾即至。碑原在瑞亨山頂劉挺威遠營故

址年久碑仆掩埋土中營址下數十武有緬寺一所發現後寺僧以牛車遷至寺中安置。李發昌云此碑發現於民國十八年冬經過殊奇先是有野人晚間路過到將軍營盤故址見一白鬚老者狀頗魁偉寬衣博帶編坐椅上右架槍數列並無一兵因之心動夜半約人潛來劫鎗至時一無所見繼又有緬人於是地見大白蛇一昂首欲立方驚愕聞忽失所在以為是地必有財寶密約親信來挖掘掘土二尺餘見大石一方書極以爲此石下必有財寶合力翻視惟見巨石底面似有漢字失破之餘奔告於余余即來視以水盪洗始知即係明劉將軍威遠營舊碑旋赴八莫告知僑胞咸來觀瞻於是此數百年前古碑轟傳遠近矣云云李所言不無荒誕迷信然此碑由李所識吾人得知此碑未始非李之功也

營一三大字右鐫一大明征西將軍劉築壇誓衆於此誓曰六慰拓開三官恢復諸夷格心永遠貢賦洗甲金沙藏刀鬼窟金沙即大金沙江鬼窟爲山名不縱不攜南人自服一四十七字左鐫一受誓孟養官慰司木

邦官慰司孟密安撫司隴川官撫司萬曆十二年二月十一日立石一三十四字均正書此碑不僅爲南中瓊寶且於界務極有關係比卽以手照機拍一影並以所携紙墨躬日捶拓以備日後交涉界務佐證顧余不諳拓法窮半日之力僅得六帖精力已疲是晚渡江宿新店李發昌宅查岳鳳於明萬

曆十年十月以隴川官撫嗾莽瑞體子莽應裏結耿馬罕度向甸刀落泰芒市放正堂等起兵衆數十萬分道內侵以灣甸景宗真爲鄉導十一年冬諸土司繼從賊勢張甚且窺騰衝永昌大理蒙化景東

鎮沅諸郡事急巡撫劉世曾巡按董裕共奏請以劉綎爲騰越游擊將軍移武靖參將鄧子龍於永昌各提兵五千赴剿並調諸土軍應援綎與子龍伺間出擊大破賊於攀枝花地斬罕度與宗真賊各奔

潰綎復招降岳鳳父子子名往攻蠻暮平之並招撫孟養於是三官六慰之地盡復且進兵征緬甸乃